



Extrait de la revue **SingularS** du 1^{er} trimestre 2013

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Textes

Vive li prétemps

Marcel DAVID
(wallon de Harre-Manhay)

L' iviér, k' aveût dèdja fèt tot plin dè carnèdje,
A volou fé 'n bèle keûre, divins s' djèrin soglot ;
Il a houkî l' prétemps k' s' a mètou a l' ovrèdje.
Lès cothès, rvèdihèt, tot vèyant vni l' solo.

Lès-âbes on dja mètou leûs pus bèlès mousseûres ;
È l' ombion d' leûs pareûres, on-z-a bon d' s' instaler,
Po sayi dè roûvî, di l' iviêr, lès blèsseûres,
Èt d' sès tchôdès mousseûres poleûr s' è dishaler.

Lès-ouhès rèpètèt leûs bèlès tchansonètes ;
I s' discandjèt dèss mots ki nolu ni comprind ;
On dîreût qui dvisèt dèdja d' leû mohinète ;
Adon, dvins leûs projèts, pus rin ni nos surprind !

Lès campagnes ravikèt, on rveût lès violètes,
Brâmint dèss ptitès fleûrs, èt leûs bonès-odeûrs
Ambômèt l's-anvions, âtou dèl gloriète ;
Tos cès bès sacwès la nos fèt roûvî l' frudeûr.

Chake prétemps ki s' prézinte, mâgré nos blankès tièsses,
Fèt rtûzer âs plèzîrs ki n's-avis divins l' tîmps,
Ca l' tère di nos tayons nos mèt' li coûr è lièsse,
Dispôy ki l' mâle sâhon a-st-avoyî l' prétemps !

Malêjis mots

dishaler = débarrasser. / **djèrin** = dernier. / **houkî** = appeler, héler. / **mâle** = mauvaise. / **ombion** = ombre. / **tayon** = ancêtre.